

大方等大集賢護經 第一

一百
罪五

47770




元祿九年丙子二月日重修

皇圖聖圖 帝階綴昌

佛日增輝 懋合輪常轉

山城州天安寺法金剛院置



大方等大集賢護經卷第一

罪

隋天竺三藏闍那崛多及笈多等譯

賢護分思惟品第一

如是我聞一時佛在王舍城迦蘭陀竹園精舍與大比丘衆五百人俱皆是阿羅漢諸漏已盡無復煩惱或得自在心善解脫慧善解脫調伏一切猶如大龍所作已辦衆行具備棄捨重擔不受後生行於平等獲真己利安住正教得到彼岸惟除長老阿難一人尔時復有五百諸比丘於晨朝時各從任處詣世尊所恭敬合掌頂禮佛足退坐一面尔時尊者舍利弗尊者大目連在舍衛城夏安居已

亦與五百諸比丘俱次第遊行城邑聚落至
王舍城入迦蘭陀竹園精舍詣世尊所到已
恭敬頂禮佛足退坐一面尔時世尊以神通
力放大威光令彼諸國城邑聚落一切所有
諸比丘衆咸各來詣王舍大城入迦蘭陀竹
園精舍至世尊所恭敬合掌頂禮佛足退坐
一面尔時迦蘭陀竹園精舍有百千數諸比
丘等承佛威光皆已雲集至世尊所恭敬合
掌頂禮佛足退坐一面尔時復有彼摩訶波
闍波提比丘尼亦承世尊威神力故亦與二
万比丘尼俱悉皆大集入迦蘭陀竹園精舍
詣世尊所恭敬合掌頂禮佛足退坐一面尔

時王舍大城有優婆塞名曰賢護為衆上首亦與五百優婆塞俱受持五戒具足威儀是大菩薩久已任於阿耨多羅三藐三菩提行本願力故常隨世尊樂聞正法恒勤精進為滿一切助道法故於朝旦時承佛威神從本住處入迦蘭陀竹園精舍至世尊所恭敬合掌頂禮佛足退坐一面尔時毗耶離大城有一離車子名曰寶生為衆上首亦與二万八千諸離車俱於晨朝時承佛神力皆自彼城發來入此迦蘭陀園至如來所恭敬合掌頂禮佛足退坐一面尔時瞻婆城有一長者子名曰星藏為衆上首亦與二万八千長者子

俱於晨朝時承佛神力自瞻婆城發來入此
迦蘭陀園至世尊所恭敬合掌頂禮佛足退
坐一面隋言淨持亦云少年亦云仁童子等時復有一摩那婆

名那羅達多為衆上首亦與二萬八千人俱
於晨朝時自本任處發來入此迦蘭陀園詣
世尊所恭敬合掌頂禮佛足退坐一面時
舍衛國復有長者名大善商主并彼給孤獨
長者為衆上首亦與二萬八千人俱自彼舍
衛國詣王舍城入迦蘭陀園至世尊所恭敬
合掌頂禮佛足退坐一面時王舍大城復
有長者名曰水天為最上首亦與二萬八千
人從本任處發來入此迦蘭陀園詣世尊所

恭敬合掌頂禮佛足退坐一面。爾時摩伽陀國主韋提希子阿闍世王亦與百千諸眷屬俱於晨朝時亦來入此迦蘭陀園詣世尊所頂禮佛足退坐一面。爾時復有四大天王及天帝釋乃至欲界一切天衆各與無量百千億那由他眷屬天衆俱亦於晨朝時悉來入此迦蘭陀園至如來所頂禮佛足退坐一面。爾時復有娑婆世界主大梵天王亦與無量百千億那由他眷屬天衆俱於晨朝時悉入迦蘭陀園至如來所頂禮佛足退坐一面。爾時復有自在天王亦與無量百千淨居諸天衆俱於晨朝時悉入迦蘭陀園頂禮佛足退

坐一面尔時復有四阿修羅王各與無量百
千眷屬阿修羅衆俱亦於晨朝入迦蘭陀園
詣如來所頂禮佛足退坐一面尔時復有難
陀龍王及跋難陀龍王各與無量百千眷屬
諸龍衆俱亦於晨朝入迦蘭陀園詣如來所
頂禮佛足退坐一面尔時復有娑伽羅龍王
阿那婆達多龍王及摩那斯龍王伊跋羅龍
王等各與無量百千眷屬諸龍衆俱亦於晨
朝入迦蘭陀園詣如來所頂禮佛足退坐一
面尔時此三千大千世界一切諸比丘比丘
尼優婆塞優婆夷及以一切天龍夜叉乾闥
婆阿修羅迦樓羅緊那羅摩睺羅伽乃至人

非人及諸王等信如來者爲聽法故一切皆
集迦蘭陀園詣如來所頂禮佛足各坐一面
尔時迦蘭陀園其地弘廣如此三千大千世
界所有地方大衆充滿無空缺處若杖頭許
而不徧者如是上至有頂下逮梵宮所有一
切大威德神通諸天大衆乃至一切諸龍夜
叉乾闥婆阿修羅迦樓羅緊那羅摩睺羅伽
人非人等皆來集會尔時賢護菩薩摩訶薩
即從座起偏袒右肩右膝著地合掌向佛白
佛言世尊我於今者欲得諮問如來應供等
正覺心中所疑不審世尊見垂聽不尔時世
尊復告賢護菩薩言賢護如來世尊隨汝所

疑恣汝所問爲汝宣釋令汝歡喜時彼賢護
菩薩旣蒙聽許復白佛言世尊菩薩摩訶薩
具足成就何等三昧而能得彼大功德聚云
何得入多聞大海獲智慧藏問無疑惑故云
何復得無意戒聚不失成就於阿耨多羅三
藐三菩提無退減故復云何得不生愚癡邪
見空處故云何當得宿命智遍知去來故云
何當得不離奉見諸佛世尊聽聞正法乃至
夢中故云何當得殊特端正上妙色身具足
威儀衆生樂見故云何當得常生大姓之家
尊貴之位見者恭敬故云何復得父母兄弟
宗親眷屬及以知識左右圍遶恒無別離故

云何當得廣達博通所爲殊異亦終無缺減
於阿耨多羅三藐三菩提心故云何當得正
念正行節度不移心知足故云何當得常生
慙愧遠離耻辱故云何當得正智謙恭降伏
我慢故云何當得策勤精進遠離懈怠故云
何當得大慈大悲大喜大捨平等與樂故云
何當得聞說甚深真空無相無願法時一切
無有驚怖退沒故云何當得不樂懶惰攝受
正法故云何當得智慧通達明了一切無與
等者故云何當得於一切佛刹隨意得生故
云何當得不爲一切外道所摧壞故云何當
得如海能受納衆問疑釋難無減無盡故云

何當得如月滿白淨法具足故云何當得如
日初出破諸暗冥故云何當得如燈炬光明
照了故云何當得如虛空性無有罣礙故云
何當得無所任著心如虛空故云何當得如
金剛穿徹通達一切法故云何當得如須彌
山不可動搖故云何當得如門闥一切正住
故云何當得如猫狗獸等心業成就故云何
當得無爲一切諸法中故云何當得如飛鳥
隨意而去故云何當得摧折憍慢如旃陀羅
子故云何當得任阿蘭若如諸獸獼猴等不
樂城邑聚落一切出家在家不相參亂故云
何當得統領大衆教詔導示故云何當得不

樂生一切衆生中不動於一切衆生故云何
當得不爲一切外道降伏天魔惑亂故云何
當得大辯才於一切法決了知故云何當得
於一切佛法不隨他行故云何當得大堅固信無
可毀壞故云何當得大慈力信不可動故云何
當得深入信無所行故云何
當得潤澤信於一切
法中多歡喜故云何當得最勝信供養承事二
切諸佛無厭足故云何當得種種入信種種善
根故云何當得真妙信增長無虛僞行故云何
當得淨喜信除滅一切嫉妬垢故云何當得清
淨信得一切種智究明故云何當得喜樂行信
除滅諸蓋障惡故云何當得智喜信攝受諸佛

境界故云何當得莊嚴行信勝一切世間瓔珞
莊嚴佛國清淨成就故云何當得清淨戒行永
滅一切聲聞辟支佛心故云何當得莊嚴大誓
一切所作皆究竟故云何當得爲一切衆生中
上首欲行諸善法故云何當得無有疲倦爲
欲教授一切菩薩所學諸波羅蜜故云何當得
不退轉多求一切佛法故云何當得不可壞
不爲一切外道邪師所破故云何當得深信
一切諸佛不捨此念常見諸佛故云何當得
如父想紹隆一切佛法故云何當得佛力加
持於一切佛法充明中生故云何當得無障
礙一切佛法悉現在前故云何當得如幻人

於一切法無思念故云何當得如化者觀一
切法無生滅故云何當得如夢觀察三世無
來去故云何當得如鏡像一切世界斯現身
中故云何當得如響聲一切法無作無爲因
緣生故云何當得如形影於一切生法自無
心取捨故云何當得空無所有遠離一切諸
物想故云何當得無相觀一切法無有二故
云何當得法界邊際菩提心無限量故云何
當得不起著一切世界性無分別故云何當
得無礙行遍遊一切諸佛刹中故云何當得
諸陀羅尼聞一知万善達一切文字分別說
故云何當得如諸法師善知一切佛法故云

何當得一切諸佛所護念一切佛威力加持
故云何當得雄猛不怯弱出聲如大牛王及
大師子王步故云何當得無畏令一切世間
歡喜故云何當得無疑惑於一切佛平等無
二故云何當得通達如如滅除疑惑不著諸
法故云何當得證深法界善能解釋所問義
故云何當得師利益他具足大慈故云何當
得滅除懶惰恒樂說法故云何當得如法任
不捨一切衆生故云何當得不諂曲性淳直
故云何當得如眼目爲一切世間燈明故云
何當得不可輕蔑勝出一切三界故云何當
得無諍論如教說行故云何當得無艱難行

無任著故云何當得知於實際不分別諸法
故云何當得說一切語言智令諸衆生住於
大乘故云何當得至無畏處遠離恐怖永無
一切毛豎等事故云何當得知佛方便說善
達一切修多羅等故云何當得不空生世間
恒入一切衆中獲利故云何當得爲一切智
首於一切世間應受供養大名聞故云何當
得無邊讚歎功德爲一切衆生福田故云何
當得大歡喜踊躍無量常在諸如來師子座
下故云何當得勝上辯才能問一切佛法故
云何當得意不怯弱辯才於一切大衆中無
怖畏故云何當得一切論議辯如師子王降

伏一切外道攝受諸異論師故云何當得不
壞本誓莊嚴欲摧一切邪異朋黨故云何當
得善巧說法常處師子座一切諸佛印可故
云何當得遠離一切世間無義語言以通達
一切正教故云何當得深愛一切諸佛法於
諸如來生處行故云何當得樂欲真法知諸
如來不生故云何當得不懶慢善承事知識
故云何當得不深著遊行一切世界故云何
當得願行具足為教化一切衆生故云何當
得如珊瑚得諸相故云何當得如虛空一切
法無得相故云何當得如菩薩不斷佛種故
云何當得不休息行諸菩薩道未曾遠離大

乘故云何當得著大鎧甲諸佛廣大戒中決定住故云何當得一切諸佛所讚灌頂住於諸如來十力地中故云何當得一切所想通達一切諸法行故云何當得一切筭數巧方便知故云何當得善知一切成壞遠離一切障礙行故云何當得一切不住行不取不捨故云何當得一切大施主能施無悔故云何當得入諸法海能施勝上法寶藏故云何當得一切世間行能揔世間諸相故云何當得廣大神通隨順諸佛神通滿足歡喜故云何當得一剎那時間行即能徧至一切諸佛前故復云何當得住此佛剎徧見一切十方諸

佛聽聞正法供養衆僧非但未得出世六通而實未得世間五通而亦未捨此世界身亦無生彼諸佛國土惟任此土見餘世界諸佛世尊悉聞諸佛所宣正法一切聽受如說修行世尊譬如今時聖者阿難於世尊前親聞法已皆悉受持如說奉行彼諸菩薩身居此

土不至彼界而能徧覩諸佛世尊聽聞法已悉能受持如說修行亦復如是從是已後一切生處常不遠離諸佛世尊聽聞正法乃至夢中咸若斯也尔時世尊告賢護菩薩摩訶薩言善哉善哉賢護汝今乃能請問如來如是妙義汝爲利益一切世間諸衆生故亦爲

安樂諸衆生故復爲憐愍諸天人故復爲攝
受未來世中諸菩薩故賢護而汝往昔已曾
供養無量諸佛種諸善根聽聞正法受持正
法愛樂正法敬重正法汝今但以摩訶迦葉
教化行故少欲知足恒樂閑靜阿蘭若處或
居塚間或在樹下亦露地坐常坐不臥一敷
不移受乞食法一食不再或一坐食或惟一
搏惟畜三衣及糞掃衣讚歎頭陀勸請諸菩
薩教菩薩行法令諸菩薩喜訶責諸菩薩教
示諸菩薩成就諸菩薩能爲利益行大慈悲
於諸衆生生平等心咸得自在到於彼岸隨
意得見一切諸佛發廣大願行深妙行樂一

切智菩提梁柱善能隨順如來種性發菩提
心猶如金剛通達世間衆生所念廣大妙行
不可校筭不可稱量常在一切諸佛目前賢
護於汝功德中未說少分也賢護今有菩薩
三昧名曰思惟惟諸佛現前三昧若有菩薩具
足修集如是三昧當得成就如上所問諸功
德等賢護當知更有無量無邊勝上功德說
不可盡尔時賢護菩薩復白佛言善哉世尊
惟願說此菩薩念一切佛現前三昧令此世
間天人梵魔沙門婆羅門諸龍夜叉乾闥婆
阿修羅迦樓羅緊那羅摩睺羅伽人非人等
多獲利益多受安樂故亦令當來無量衆生

多得利益多受安樂故又爲未來諸菩薩輩
作大光明承佛威力故又願現在未來諸菩
薩等普得聞此念一切佛現前三昧彼既聞
已皆悉受持既受持已一切皆當如實修學
如教奉行既學行已當令得不退轉於阿耨
多羅三藐三菩提現前即能具足成就如是
功德及餘勝上功德等尔時世尊復告賢護
菩薩言賢護如汝言者汝當諦聽善思念之
吾今爲汝分別解說賢護復言善哉世尊我
深樂聞如來所說佛復告言賢護云何名爲
菩薩思惟一切諸佛現前三昧若有菩薩具
足成就此三昧者即獲如前諸功德事亦得

其餘殊異功德所謂心念諸佛皆現在前其
心不亂不捨作業求勝上智勇猛精勤荷負
重擔度脫衆生承事供給諸善知識常修空
寂廣大思惟親善知識滅除諸蓋遠離惡友
息世語言塞諸根門初中後夜減損睡眠不
貪衣服食飲湯藥堂房屋宇牀座衆具恒樂
空閑任阿蘭若不愛己身不重我命不著形
色不縱其心修以慈心熏以悲行一切時喜
常行捨心破壞煩惱成就諸禪於中思惟不
著滋味觀察色想惟得空心不亂正念不取
諸陰不著諸入不思諸界不貪生處調伏慢
高不妬他財爲諸世間多作饒益於諸衆生

起平等心又於衆生生父母想亦於衆生所
作一子心一切法中無有諍想雖念持戒而
不執著常在禪定亦無耽染好樂多聞不起
分別戒聚不缺定聚不動智聚不妄諸法無
疑不背諸佛不謗正法不壞衆僧不好乖離
親近衆聖遠離愚癡不志求出世雖聞語言
意不樂聽亦不耽著世間六味習近熏修五
解脫法除滅十惡念修十善斷滅衆生九種
惱處心常不離九想觀門常思棄捐八種懈
怠一心修習八大人覺不著禪味不恃多聞
摧伏我慢一心聽受求法愍重修道證知憐
愍衆生離我分別求壽命想畢竟難得觀察

諸陰無有物想不住涅槃不著生死諸行煩惱輪發大恐怖想諸陰怨家想諸入空宅想諸界毒蛇想三界衰惱想涅槃利安想觀諸欲惡猶如唾洩深樂出家不違佛教於衆生所勸行功德於諸世界無復深心見一切佛皆悉現前受一切身皆若幻夢一切諸相觀察滅除思惟往來不見三世於信清淨深信真妙念一切佛三世平等無有動轉而能持諸善根一切諸佛三昧自在終不染著諸佛相身於一切法皆悉平等不與一切世間共諍所可應作不相違背通達甚深十二因緣窮盡一切如來道地得勝上忍入真法界見

衆生界性無生滅見涅槃界本來現前慧眼
清淨觀法無二彼菩提心無中無邊一切諸
佛體無差異入於無礙清淨智門明見菩提
自然覺智於善知識起諸佛想於菩薩所不
念乖離已於生死破壞魔軍一切衆事皆悉
如化見諸如來如鏡中像應當求彼菩提之
心諸波羅蜜莫不平等實際無盡集佛功德
賢護是爲菩薩思惟諸佛現前三昧若有菩
薩摩訶薩欲具成就如是三昧當先成就如
是功德賢護當知更有無量功德然亦緣此
三昧而生佛復告賢護言是中何等三昧能
生如是諸功德行所謂菩薩思惟諸佛現前

三昧能生如是諸功德法復次賢護云何名
爲菩薩思惟諸佛現前三昧也賢護若有比
丘比丘尼優婆塞優婆夷清淨持戒具足諸
行獨處空閑如是思惟於一切處隨何方所
即若西方阿彌陀如來應供等正覺是人亦
時如所聞已即應自作如是想念如我所聞
彼阿彌陀如來應供等正覺今在西方經途
去此過百千億諸佛國土彼有世界名曰安
樂如是如來今現在彼爲諸菩薩周而圍遶
處大衆中說法教化然而人依所聞故繫
念思惟觀察不已了了分明終獲見彼阿彌
陀如來應供等正覺也復次賢護譬言如世間

若男若女於睡夢中見種種事所謂金銀衆
寶珍財倉庫或見朋友諸知識輩或見覺時
心不樂者是人夢中所對境界或違或順或
憂或喜有時語言歡欣極樂有時慘感盡意
悲哀是人寤已思惟憶念如夢所見爲他廣
宣追念夢中便生憂喜如是賢護彼善男子
善女人端坐繫念專心想彼阿彌陀如來應
供等正覺如是相好如是威儀如是大衆如
是說法如聞繫念一心相續次第不亂或經
一日或復一夜如是或至七日七夜如先所
聞具足念故是人必覩阿彌陀如來應供等
正覺也若於晝時不能見者若於夜分或睡

夢中阿彌陀佛必當現也復次賢護譬如世
間若男若女遠行他國於睡夢中見本居家
時實不知爲晝爲夜而亦不知爲內爲外是
人亦時所有眼根牆壁石山終不能障乃至
幽冥黑暗亦不爲礙也賢護菩薩摩訶薩心
無障礙亦復如是當正念時於彼所有佛刹
中間凡是一切須彌山王及鐵圍山大鐵圍
山乃至自餘諸黑山等不能與此眼根爲障
而亦不能覆蔽此心然人者其實未得天眼
能見彼佛亦無天耳聞彼法音復非神通往
彼世界又亦不於此世界沒生彼佛前而實
但在此世界中積念熏修久觀明利故終得

覩彼阿彌陀如來應等正覺僧衆圍遶菩薩
會中或見自身在彼聽法聞已憶念受持修
行或時復得恭敬禮拜尊承供養彼阿彌陀
如來應等正覺已是人然後起此三昧其出
觀已次第思惟如所見聞爲他廣說復次賢
護如此摩伽陀國有三丈夫其第一者聞毗
耶離城有一姪女名須摩那彼第二人聞有
姪女名菴羅波離彼第三人聞有姪女名蓮
華色彼旣聞已各設方便繫意勤求無時暫
廢然彼三人實未曾覩如是諸女直以遙聞
即興欲心專念不息後因夢已在王舍城與
彼女人共行欲事欲事旣成求心亦息希望

既滿遂便覺寤寤已追念夢中所行如所聞
見如所證知如是憶念來詣汝所具爲汝說
者汝應爲彼方便說法隨順教化令其得住
不退轉地究竟成就阿耨多羅三藐三菩提
彼於當來必得成佛号曰善覺如來應供等
正覺明行足善逝世間解無上士調御丈夫
天人師佛世尊如是三人既得忍已還復憶
念往昔諸事了了分明也賢護彼善男子善
女人等若欲成就菩薩摩訶薩思惟一切諸
佛現前三昧亦復如是其身常住此世界中
暫得聞彼阿彌陀如來應供等正覺名号而
能繫心相續思惟次第不亂分明覩彼阿彌

陀佛是爲菩薩思惟具足成就諸佛現前三
昧因此三昧得見佛故遂請問彼阿彌陀佛
言世尊諸菩薩等成就何法而得生此佛刹
中耶尔時阿彌陀佛語是菩薩言若人發心
求生此者常當繫心正念相續阿彌陀佛便
得生也既得生已世尊於是知彼心故亦即
念彼彼方得見佛世尊耳賢護時彼阿彌陀
如來應等正覺告彼人言諸善男子汝當正
念精勤修習發廣大心必生此也賢護時彼
菩薩復白阿彌陀佛言世尊是中云何念佛
世尊精勤修習發廣大心得生此刹耶賢護
時彼阿彌陀佛復告彼言諸善男子若汝今

欲正念佛者當如是念今者阿彌陀如來應
正覺明行足善逝世間解無上士調御丈夫
天人師佛世尊具有如是三十二相八十隨
形好身色光明如融金聚具足成就衆寶鬘
鬘放大光明坐師子座沙門衆中說如斯法
其所說者謂一切法本來不壞亦無壞者如
不壞色乃至不壞識等諸陰故又如不壞地
乃至不壞風等諸大故又不壞色乃至不壞
觸等諸入故又不壞梵乃至不壞一切世主
等如是乃至不念彼如來亦不得彼如來彼
作如是念如來已如是次第得空三昧善男
子是名正念諸佛現前三昧也賢護尔時彼

菩薩從三昧起已來詣汝所說此三昧相者
汝時即應為彼說法隨順教化令於阿耨多
羅三藐三菩提得不退轉

大方等大集賢護經卷第一

笈多

上其業反門闢

下苦本反猫狗

上茅苗二音

蘭若

罪

下汝者反阿教詔 上古孝反下音怯弱
此云寂靜處也 上苦劫反輕憊 下莫結也鎧甲 又苦愛反一搏
下音若 下音倚也唾涕 上音替反慘感 上十感反倉
團音倚也 曆反融金 上余反舉 上力展反下
憂 一 反 引 反 余 預 二 音

大方等大集賢護經第一卷釋音

罪



猪飼順良壽附

